



REPUBLIKA E SHQIPËRISË
MINISTRIA E ARSIMIT
DHE SPORTIT

QENDRA E SHËRBIMEVE ARSIMORE
AUTORITETI PËRGJEGJËS

Nr. ____ Prot.

Tiranë, më _____.____.2020

(Lutemi referojuni në rast përgjigje)

Lënda: Dërgohet raporti vjetor 2020

INSPEKTORIATIT TË LARTË TË DEKLARIMIT DHE KONTROLLIT TË
PASURIVE DHE KONFLIKTIT TË INTERESAVE

TIRANË

Me anë të kësaj shkrese, po Ju dërgojmë raportin vjetor për veprimtarinë e kryer nga Autoriteti Përgjegjës (AP) për parandalimin e konfliktit të interesave në zbatim të ligjit nr.9367, datë 07.04.2005 “Për parandalimin e konfliktit të interesave në ushtrimin e funksioneve publike, i ndryshuar dhe ligjit nr. 9049, datë,10.04.2003 “Për deklarimin dhe kontrollin e pasurive, të detyrimeve financiare të të zgjedhurve dhe disa nëpunësve publikë, i ndryshuar.

Në zbatim të pikës 3, nenit 42, të ligjit nr.9367, datë 07.04.2005 “Për parandalimin e konfliktit të interesave në ushtrimin e funksioneve publike, i ndryshuar dhe pikës 7, të Udhëzimit nr.1, datë 27.06.2014 “Për krijimin, funksionimin dhe përgjegjësitë e strukturave të autoriteteve përgjegjëse për parandalimin e konfliktit të interesave, në institucionet publike”, bashkëngjitur kësaj shkrese dërgohet raporti vjetor për veprimtarinë e kryer nga Autoriteti Përgjegjës (AP) për parandalimin e konfliktit të interesave. Në zbatim të nenit 3, shkronja gj, të ligjit nr.9049, datë,10.04.2003 “Për deklarimin dhe kontrollin e pasurive, të detyrimeve financiare të të zgjedhurve dhe disa nëpunësve publikë, i ndryshuar, bashkëngjitur kësaj shkrese dërgohet lista e zyrtarëve që mbartin detyrimin për deklarim periodik të interesave private në Inspektoratin e Lartë të Deklarimit dhe Kontrollit të Pasurive dhe Konfliktit të Interesave. Bazuar në strukturën organike të miratuar me Urdhrin nr. 146, datë 28.09.2018 të Kryeministrit “Për miratimin e strukturës dhe të organikës së Qendrës së Shërbimeve Arsimore”, nuk ka asnjë pozicion vakant në listën e funksioneve që mbartin detyrim për deklarim të interesave private periodike. Bashkëngjitur kësaj shkrese dërgohet lista në bazë të strukturës organike sipas funksioneve të subjekteve që mbartin detyrim për deklarim të interesave private, lista emërore e zyrtarëve që mbartin detyrim për deklarim të interesave private dhe regjistri vjetor i evidentimit dhe zgjidhjes së rasteve të konfliktit të interesave.

Për çdo informacion jeni të lutur të kontaktoni me autoritetin përgjegjës për parandalimin e konfliktit të interesave dhe z. Agim Alia si person kontakti, në adresën: QSHA, Bulevardi Zhan D'Ark, nr.23, Tiranë, Tel: + 355 4 2419257, e-mail Agim.Alia@qsha.gov.al

Duke ju falënderuar për bashkëpunimin.

Me respekt,

Rezana VRAPI

DREJTOR I PËRGJITHSHËM

Raporti vjetor për veprimtarinë e kryer nga Autoriteti Përgjegjës (AP) për parandalimin e konfliktit të interesave

1. Kuadri ligjor:

Qendra e Shërbimeve Arsimore (QSHA) është institucion publik, buxhetor i krijuar me ligjin nr. 80/2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”, Udhëzimin nr. 8, datë 13.03.2017 të Ministrisë së Arsimit dhe Sportit “Për organizimin dhe funksionimin e Qendrës së Shërbimeve Arsimore” dhe Vendimin e Këshillit të Ministrave nr. 1013, datë 10.12.2010 “Për krijimin e Agjencisë Kombëtare të Provimeve” i ndryshuar, në varësi të Ministrisë përgjegjëse për arsimin, që ka për mision ofrimin e shërbimeve dhe sigurimin e aksesit publik në fushën e arsimit të lartë dhe arsimit parauniversitar.

Ajo ushtron funksion teknik, profesional, mbështetës dhe rekomandues të politikave të vlerësimit, të aplikimit dhe të organizimit të provimeve të maturës e të shtetit. Me Urdhrin nr. 146, datë 28.09.2018 të Kryeministrit “Për miratimin e strukturës dhe të organikës së Qendrës së Shërbimeve Arsimore” është miratuar struktura dhe organika e QSHA-së.

QSHA në ushtrimin e veprimtarisë së saj mbështetet në legjislacionin në fuqi, në ligjet për arsimin parauniversitar dhe atë të lartë dhe njëkohësisht në aktet ligjore dhe nënligjore që rregullojnë këto fusha si dhe statutin dhe rregulloren e brendshme të miratuar nga Ministri i Arsimit dhe Sportit, rregulloren e brendshme për mbrojtjen, përpunimin, ruajtjen dhe sigurinë e të dhënave personale dhe rregulloren e brendshme për parandalimin e konfliktit të interesave në ushtrimin e funksioneve publike, të miratuar nga Drejtori i Përgjithshëm.

QSHA me shkresën nr.5497 prot., datë 18.11.2019 drejtuar ILDKPKI, ka dërguar Rregulloren “Për parandalimin e konfliktit të interesave në ushtrimin e funksioneve publike”, e cila shfuqizon e rregulloren e mëparshme.

QSHA në veprimtarinë e saj zbaton ligjin nr.9367, datë 07.04.2005 “Për parandalimin e konfliktit të interesave në ushtrimin e funksioneve publike, i ndryshuar dhe ligjin nr. 9049, datë 10.04.2003 ”Për deklarimin dhe kontrollin e pasurive, të detyrimeve financiare të të zgjedhurve dhe të disa nëpunësve publikë”.

2. Ngritja dhe funksionimi i Autoritetit Përgjegjës për parandalimin e konfliktit të interesave:

AKP bazuar në nenin 41, pika 2 e ligjit nr.9367, datë 07.04.2005 “Për parandalimin e konfliktit të interesave në ushtrimin e funksioneve publike, i ndryshuar, me urdhër nga titullari i institucionit nr.17/1, datë 25.04.2014, “Për ngritjen e AP për parandalimin e KI”, ka ngritur Autoritetin Përgjegjës (AP) për parandalimin e konfliktit të interesave si strukturë e veçantë e cila do të mbajë në vijimësi marrëdhëniet dhe kontaktet me ILDKPKI.

QSHA bazuar në nenin 41, pika 2 e ligjit nr.9367, datë 07.04.2005 “Për parandalimin e konfliktit të interesave në ushtrimin e funksioneve publike, i ndryshuar, me urdhër nga titullari i institucionit nr.43, datë 11.12.2018, “Për ngritjen e AP për parandalimin e KI”, ka ngritur Autoritetin Përgjegjës (AP) për parandalimin e konfliktit të interesave si strukturë e veçantë e cila do të mbajë në vijimësi marrëdhëniet dhe kontaktet me ILDKPKI. Ky Urdhër shfuqizon urdhrin e mëparshëm nr.17/1, datë 25.04.2014.

Autoriteti Përgjegjës përbëhet nga tre veta dhe drejtues i njësisë Autoritet Përgjegjës është caktuar Përgjegjësi i Sektorit të Shërbimeve Mbështetëse dhe Menaxhimit të Burimeve Njerëzore. Dy anëtarët e tjerë janë Drejtori i Drejtorisë së Vlerësimit dhe Përgjegjësi i Sektorit të Njohjes së Diplomave të Arsimit Parauniversitar dhe Legalizimeve.

QSHA bazuar në nenin 41, pika 2 e ligjit nr.9367, datë 07.04.2005 “Për parandalimin e konfliktit të interesave në ushtrimin e funksioneve publike, i ndryshuar, me urdhër nga titullari i institucionit ka ngritur Autoritetin Përgjegjës (AP) për parandalimin e konfliktit të interesave si strukturë e veçantë e cila do të mbajë në vijimësi marrëdhëniet dhe kontaktet me ILDKPKI. Autoriteti Përgjegjës përbëhet nga tre veta dhe drejtues i njësisë Autoritet Përgjegjës është caktuar Përgjegjësi i Sektorit të Shërbimeve Mbështetëse dhe Menaxhimit të Burimeve Njerëzore. Dy anëtarët e tjerë janë Drejtori i Drejtorisë së Vlerësimit dhe Përgjegjësi i Sektorit të Njohjes së Diplomave të Arsimit Parauniversitar dhe Legalizimeve.

3. Parandalimi, kontrolli dhe zgjidhja e gjendjeve të konfliktit të interesave:

Autoriteti Përgjegjës ka marrë të gjitha masat e nevojshme për parandalimin, kontrollin dhe zgjidhjen e gjendjeve të konfliktit të interesave:

a) Për procesin e deklarimit të interesave private periodike:

- i. Është bërë njoftimi, dhënia e konsulencës dhe dorëzimi i deklaratave të interesave private si dhe respektimi i afateve ligjore nga ana e tyre.
- ii. Në zbatim të nenit 3, shkronja gj, të ligjit nr.9049, datë,10.04.2003 “Për deklarimin dhe kontrollin e pasurive, të detyrimeve financiare të të zgjedhurve dhe disa nëpunësve publikë, i ndryshuar, në listën e zyrtarëve që mbartin detyrimin për deklarim periodik të interesave private në Inspektoratin e Lartë të Deklarimit dhe Kontrollit të Pasurive janë: znj. Rezana Vrapit, në pozicionin Drejtore e Përgjithshme, kategoria II-a, znj. Aurora Balliu, në pozicionin Drejtor në Drejtorinë e Shërbimeve Arsimore, kategoria II-b, z. Agim Alia në pozicionin Drejtor në Drejtorinë e Vlerësimit, kategoria II-b dhe znj. Valbona Saraçi në pozicionin Drejtor në Drejtorinë e Provimeve të Shtetit, kategoria II-b.
- iii. Me shkresën zyrtare nr.1221 prot., datë 04.03.2020, “Dërgohen deklaratat e interesave private periodikë vjetore” drejtuar ILDKPKI, është dërguar deklarata e interesave private periodike vjetore, për znj. Heliona Miço, me funksion Drejtore e Drejtorisë së Provimeve të Shtetit, në Qendrën e Shërbimeve Arsimore. Me anë të kësaj shkrese kemi informuar ILDKPKI se znj. Miço, me urdhrin nr.1071 prot., datë 25.02.2020, “Për përfundimin e marrëdhënieve juridike të punës”, ka përfunduar marrëdhëniet juridike të punës në QSHA. Deklarata pas largimit nga detyra do të dorëzohet në ILDKPKI, nga vetë subjekti i deklarimit.
- iv. Me shkresën zyrtare nr.1374 prot., datë 26.03.2020, “Dërgohen deklaratat e interesave private periodikë vjetore” drejtuar ILDKPKI, janë dërguar deklaratat e interesave private periodike vjetore, për znj. Rezana Vrapit, me funksion Drejtore e Përgjithshme e Qendrës së Shërbimeve Arsimore dhe z. Agim Alia Drejtor i Drejtorisë së Vlerësimit, në Qendrën e Shërbimeve Arsimore.
- v. Me vërtetimin e ILDKPKI nr. extra prot. Datë 29.05.2020, të administruar në QSHA nr.1634 prot., datë 29.05.2020, është dorëzuar deklarata e interesave private periodike vjetore, për znj. Liri Hajdari, me funksion Drejtore e Drejtorisë së Shërbimeve Arsimore, në Qendrën e Shërbimeve Arsimore.
- vi. Me shkresën zyrtare nr.1669 prot., datë 02.06.2020, “Dërgohet lista e zyrtarëve që kanë dorëzuar deklaratat” drejtuar ILDKPKI, është dërguar lista emërore e zyrtarëve që kanë plotësuar detyrimin për deklarim të interesave private, të përditësuar, të Qendrës së Shërbimeve Arsimore.
- vii. Me shkresën zyrtare nr.3848/1 prot., datë 21.10.2020, “Dërgohen deklaratat e interesave private periodikë vjetore” drejtuar ILDKPKI, është dërguar deklarata e interesave private para

fillimit të detyrës, për znj. Valbona Sheshi, me funksion Drejtore e Drejtorisë së Provimeve të Shtetit, në Qendrën e Shërbimeve Arsimore.

- viii. Me urdhrin nr.94, datë 12.10.2020 “Për përfundimin e marrëdhënieve juridike të punës”, znj Liri Hajdari do të përfundojë marrëdhëniet juridike të punës me **datë 11.12.2020**. Subjekti i deklarimit është informuar nga AP mbi afatin e dorëzimit të Deklaratës pas largimit nga detyra, e cila do të dorëzohet në ILDKPKI, nga vetë subjekti i deklarimit.
- ix. Me urdhrin nr.120, datë 18.10.2020 “Për emërim të përkohshëm në detyrë”, znj Aurora Balliu është emëruar në pozicionin e Drejtorit të Drejtorisë së Shërbimeve Arsimore në Qendrën e Shërbimeve Arsimore. Subjekti i deklarimit është informuar nga AP mbi afatin e dorëzimit të Deklaratës së interesave private para fillimit të detyrës, e cila do të dorëzohet me procesverbal tek AP, nga vetë subjekti i deklarimit. AP do të dorëzojë deklaratën të mbyllur në zarf në ILDKPKI brenda ditës që do ta dorëzojë subjekti i deklarimit.
- x. Nuk është evidentuar asnjë rast i mosrespektimit të afateve ligjore për dorëzimin e deklaratave të interesave private.
- xi. Nuk është evidentuar asnjë rast i marrjes së masave disiplinore për shkelje të konstatuara të ligjit nr.9049, datë 10.04.2003, i ndryshuar dhe ligjit nr.9367, datë 07.04.2005.

b) Për identifikimin dhe regjistrimin e rasteve të konfliktit të interesave:

- i. Në zbatim të nenit 10, pika 2 është lëshuar autorizimi nga ana e të gjithë punonjësve në favor të institucionit publik ku ushtron funksionet, nëpërmjet të cilit ata e autorizojnë institucionin AKP që të kryejë kontroll dhe të sigurojë të dhëna vetjake për zyrtarin kudo ku ato janë regjistruar. Ndërsa autorizimi nga ana e drejtorit të AKP-së i është lëshuar institucionit epror, përkatësisht Ministrisë së Arsimit dhe Sportit.
- ii. Me krijimin e QSHA, në zbatim të nenit 10, pika 2 është lëshuar autorizimi nga ana e të gjithë punonjësve në favor të institucionit publik ku ushtron funksionet, nëpërmjet të cilit ata e autorizojnë institucionin QSHA, që të kryejë kontroll dhe të sigurojë të dhëna vetjake për zyrtarin kudo ku ato janë regjistruar.
- iii. Gjatë vitit 2020 janë evidentuar dhe regjistruar 4 (katër) raste të konfliktit të interesave, 3 (tre) raste lidhen me Maturën Shtetërore, ndërsa 1 (një) rast lidhet me olimpiadat kombëtare.
- iv. Lidhur me rastin e verifikuara dhe të kontrolluara për konflikt interesi, informojmë si vijon: Në zbatim të rregullit se: *“personat e përfshirë në të gjitha nivelet e administrimit të provimeve të Maturës Shtetërore, deklarojnë me shkrim që nuk kanë fëmijë, nipër, mbesa, motër, vëlla, maturanë/kandidatë që do të japin provimet e Maturës 2019”*, 3 (tre) punonjës të QSHA-së ka bërë vetë deklaram nr.1121, 1121/1 dhe 1121/2 prot., datë 27.02.2020, duke i dërguar deklaratën e konfliktit të interesave Drejtorit të Përgjithshëm, i cili do të vendosë rast pas rasti lidhur me rastet kur nuk mund të përfshihen në procesin e MSH. Të gjithë punonjësit e tjerë kanë plotësuar deklaratat me shkrim se nuk kanë fëmijë, nipër, mbesa, motër, vëlla, maturanë/kandidatë që do të japin provimet e Maturës 2019.
- v. Lidhur me trajtimin dhe zgjidhjen e konfliktit të interesave informojmë si vijon:

Me shkresën nr.1121 prot, datë 27.02.2020, të Drejtorit të Përgjithshëm të QSHA-së, ka informuar z. Agim Alia se nuk mund të përfshihet në asnjë nga fazat e MSH, me qëllim shmangin e çdo lloj konflikt interesi.

Me shkresën nr.11211/ prot, datë 27.02.2020, të Drejtorit të Përgjithshëm të QSHA-së, ka informuar znj. Sivi Maloku se nuk mund të përfshihet në asnjë nga fazat e MSH, me qëllim shmangin e çdo lloj konflikt interesi.

Me shkresën nr.1121/2 prot, datë 27.02.2020, të Drejtorit të Përgjithshëm të QSHA-së, ka informuar z. Eduard Meçaj se nuk mund të përfshihet në asnjë nga fazat e MSH, me qëllim shmangin e çdo lloj konflikt interesi.

vi. Lidhur me rastin e katërt të verifikuar dhe të kontrolluar për konflikt interesi, informojmë si vijon:

Znj. Afërdita Mëhilli, Përgjegjëse e Sektorit të Provimeve, Vlerësimeve Kombëtare/Ndërkombëtare, ka bërë vetëdeklarim se ka vajzën kandidatë që do të marrë pjesë në olimpiadën 2019, lënda histori dhe lënda letërsi. Me shkresën nr.274 prot, datë 18.01.2020, të Drejtorit të Përgjithshëm të QSHA-së, ka informuar znj. Afërdita Mëhilli se nuk mund të përfshihet në asnjë nga fazat e olimpiadave, për lëndën e historisë dhe lëndën e letërsisë, me qëllim shmangin e çdo lloj konflikt interesi.

vii. Vëmë në dijeni se nuk ka patur raste konfliktit të interesave të pazgjdhura të raportuara në ILDKPKI, gjykatë, prokurori apo institucione të tjera.

4. Roli këshillues dhe trajnues i Autoritetit Përgjegjës:

Në kryerjen e veprimtarisë sonë jemi përpjekur që të ndihmojmë punonjësit dhe eprorët për çështjet dhe momentet kur ata duhet të tregohen të kujdesshëm për parandalimin e konfliktit të interesave. Të gjithë punonjësit i kemi informuar dhe këshilluar lidhur me ligjin nr.9049, datë 10.04.2003, i ndryshuar dhe ligjin nr.9367, datë 07.04.2005, dhe aktet e tjera ligjore dhe nënligjore. Gjithashtu me urdhrin e Drejtorit të Përgjithshëm të QSHA-së, nr.61, datë 18.11.2019 është miratuar rregullorja e brendshme për parandalimin e konfliktit të interesave në ushtrimin e funksioneve publike. Rregullorja e brendshme për mbrojtjen, përpunimin, ruajtjen dhe sigurinë e të dhënave personale dhe rregullorja e brendshme për parandalimin e konfliktit të interesave në ushtrimin e funksioneve publike janë të publikuara në faqen zyrtare të institucionit në internet.

Duke shprehur konsideratën tonë më të lartë,

Datë 21.12.2020

AUTORITETI PËRGJEGJËS

- a. z. Eduard Meçaj, me detyrë Përgjegjës në Sektorin e Shërbimeve Mbështetëse dhe Menaxhimit të Burimeve Njerëzore.
- b. z. Agim Alia, me detyrë Drejtor i Drejtorisë së Vlerësimit.
- c. Znj. Eglantina Shtylla, me detyrë Përgjegjëse e Sektorit të Njohjes së Diplomave të Arsimit Parauniversitar dhe Legalizimeve.